

Pangserbisyo nga mga Misyon: Usa ka Giya alang sa mga Presidente sa Stake ug District

Kini nga dokumento naghatag og mubo nga rebyo sa programa ug imong mga responsibilidad isip usa ka presidente sa stake o district.

Pangserbisyo nga mga Misyonaryo

Ang indibidwal nga mga talento, mga kahanas, ug mga gasa sa pipila ka takos nga batan-ong hamtong nga mga lalaki ug mga babaye mahimong mohimo niini nga mas bagay alang kanila nga moserbisyo og pangserbisyo nga misyon. Ang programa sa pangserbisyo nga misyonaryo magtugot kanila sa paggamit sa ilang mga talento ug mga abilidad sa pagserbisyo sa Ginoo sa makahuloganong mga paagi. Ang pangserbisyo nga mga misyonaryo mahimong maglakip usab niadtong kinsa nauli og sayo gikan sa mga misyon nga nagsangyaw sa ebanghelyo. Ang mga sumbanan sa katakos pareha ra alang sa tanan nga mga misyonaryo.



Ang pangserbisyo nga mga misyon wala kinahanglana alang niadtong dili makahimo sa mga misyon nga nagsangyaw sa ebanghelyo. Kinahanglang walay bisan kinsa nga mobati nga napugos sa pagserbisyo. Ang pangserbisyo nga mga misyon mga kapilian alang niadtong gusto nga moserbisyo sa Ginoo niini nga paagi.

Imong mga Responsibilidad

Ikaw adunay lima ka nag-unang mga responsibilidad:

- Moila niadtong mahimong makaserbisyo og usa ka misyon nga nagsangyaw sa ebanghelyo o pangserbisyo nga misyon.
- Uban sa tabang sa lider sa pangserbisyo nga misyon, mopalambo og talagsaon nga misyon alang sa mga kandidato sa pangserbisyo nga misyon human nila madawat ang ilang tawag.
- Mo-set apart sa mga misyonaryo. Mohatag kanila og name tag sa pangserbisyo nga misyonaryo ug *Tamdanan nga Basahon sa Pangserbisyo nga Misyonaryo*.
- Mosuporta ug regular nga mointerbiyo sa mga misyonaryo atol sa ilang pagserbisyo.
- Mo-release sa mga misyonaryo inig kahuman sa ilang pagserbisyo.

Unsaon sa Pagsuporta

Ikaw ang eklesiyastikal nga lider sa pangserbisyo nga misyonaryo. Ikaw ang motakda sa mga gilaoman sa espiritwal nga bahin ug sa linihokan.

Mahimo nimong tahasan ang laing lider sa pagkapari aron sa pagtabang sa pagdumala sa pagserbisyo sa misyonaryo. Kini nga lider mahimo nga usa sa imong mga magtatambag, usa ka high councilor, o usa ka sakop sa inyong stake. Ikaw o ang lider nga imong gitahasan mahimong mogamit sa mosunod nga nagsuporta nga mga responsibilidad:

1. Mohatag og sinemana nga suporta aron sa pagsiguro nga ang misyonaryo:
 - a. Nagsunod sa ehemplo ni Jesukristo ug nagsunod sa mga sumbanan sa Simbahan.
 - b. Naghatag og makahuloganon nga pagserbisyo.
 - c. Nagpahigayon og regular nga pagtuon sa ebanghelyo ug pag-ampo.

- d. Nagpalambo og mga kahanas sa kinabuhi.
 - e. Nagbaton og usa ka maayong misyonaryo nga kasinatian.
 - h. Nagsunod sa mga lagda ug mga pasalig diha sa *Tamdanan nga Basahon sa Pangserbisyo nga Misyonaryo*.
2. Moawhag og pagtuon sa ebanghelyo ug espirituhanong kalamboan.
 3. Mosiguro nga ang mga ginikanan o mga nag-atiman makaapil sa kasinatian sa misyon.
 4. Modumala sa programa sa pangserbisyo nga misyonaryo diha sa stake.
 5. Mopahibalo sa mga miyembro kabahin sa programa sa pangserbisyo nga misyonaryo diha sa mga miting sa stake ug ubang mga panagpundok.
 6. Sa dihang ang mga misyonaryo makadawat sa ilang buluhaton, makigkita kanila aron sa pagrebyo sa *Tamdanan nga Basahon sa Pangserbisyo nga Misyonaryo*.

Mga Pangutana?

- Kontakang inyong lider sa pangserbisyo nga misyon.
- Bisitaha ang [Churchofjesuschrist.org/service-missionary?lang=ceb](https://www.Churchofjesuschrist.org/service-missionary?lang=ceb).
- Tawaga ang Buhatan sa Pangserbisyo nga Misyon [Service Mission Office] sa Dakbayan sa Salt Lake sa 1-801-240-4914 o pag-email sa support-servicemission@Churchofjesuschrist.org.

